

“ENPRESA-DINAMISMOA, ABERASTASUNAREN ETA ENPLEGUAREN SORRERA: EAEKO AZTERKETA” AZTERLANA KONTRATATZEKO ADMINISTRAZIO KLAUSULEN AGIRIA

1.- KONTRATUAREN HELBURUA:

Agiri honetako kontratuaren helburua da “ENPRESA-DINAMISMOA, ABERASTASUNAREN ETA ENPLEGUAREN SORRERA: EAEKO AZTERKETA” izeneko azterlana egiteko beharrezkoak diren zerbitzu profesionalak kontratatzea. Azterlan hori oinarri hartuko du Euskadiko Ekonomia eta Gizarte Arazoetarako Batzordeak, bere ekimenez arlo horren gaineko txosten bateko, Euskadiko Ekonomia eta Gizarte Arazoetarako Batzordeari (aurrerantzean EGAB) buruzko maiatzaren 17ko 8/2012 Legeak 3.f) artikuluan erakunde horri onartzen dion eginkizunaren barruan.

Burutu beharreko lanaren baldintza teknikoak, helburuak, edukia eta metodologia espedientean jasotako Agindu Teknikoen Agirian azaldu dira.

2.- ARAUBIDE JURIDIKOA

Agiri honetan jasotako kontratua administratiboa da eta azaroaren 14ko 3/2011 Errege Dekretuak -Sektore Publikoko Kontratuaren Legearen testu batetara (aurrerantzean SPKLTB) onartzeak- eta hura garatzeko xedapenek arautuko dute; horiez gain, administrazio zuzenbideko gainerako arauak eta, halakorik ezean, zuzenbide pribatuko arauak ere aplikatuko dira.

Administrazio klausulen agiri honek, agindu teknikoaren agiriak eta erantsitako gainerako dokumentuek kontratu izaera izango dute. Kontratuak agiri honen edukiarik lotuko zaizkio eta haren klausulak kontratuaren partetzat ere joko dira.

Kontratua, erantsitako dokumentuak, edo administrazioak hitzartutakoa betetzeko ematen dituen jarraibideak, agiriak edo bestelako arauak ez ezagutzeak ez du kontratista haiek bete beharretik askatuko.

Agiri hau eta kontratuko gainerako dokumentuetako edozein bat ez baletoz, Administrazio-klausulen agiria nagusituko da, bertan baitaude kontratuko alderdiek onartutako eskubideak eta betebeharrak.

3.- LIZITAZIO AURREKONTUA ETA KONTRATUAREN PREZIOA

Agiri honetan bildutako lan guztietarako, 55.000 euroko aurrekontua izango da gehienez, BEZik gabe (% 21ekoa).

Kontratuaren prezioa esleipenaren ondorioz ematen den hori izango da, eta BEZa aparteko partida batean sartuko da.

Kontratuaren prezioaren barruan sartutzat emango dira aplikatu daitezkeen era guztietako zergak, tasak eta kanonak, bai eta esleipendunak agiri honetan jasotako betebeharren ondorioz izaten dituen gastu guztiak ere.

4.- KONTRATATZEKO AHALMENA

Honako hauek dute kontratatzeko ahalmena: pertsona fisiko eta juridikoak, espainiarrak edo atzerritarrak, jarduteko erabateko gaitasuna dutenak eta agiri honetan ezarritakoaren arabera kaudimen ekonomiko, finantzario eta tekniko edo profesionala egiaztatzen dutenak, eta kontratuaren helburuari dagokion gaikuntza profesionala dutenak.

Halaber, ez dute SPKLTBko 60. artikuluan adierazitako galarazpenik izan beharko eta kaudimen ekonomikoa, finantzarioa eta teknikoa frogatu beharko dute, SPKLTBko 74, 75 eta 78. artikuluetan xedatutakoaren arabera.

Kontratuak egiteko, enpresariak gutxieneko kaudimen ekonomiko, finantzario eta teknikoko gutxieneko baldintzak bete beharko dituzte eta jarraian eskatutako agiriaren bidez frogatu beharko dute:

4.1. Ekonomia eta finantza kaudimena:

Bide hauetako bat edo hainbat baliatuta egiaztatu ahalko da:

- Finantza erakundeen txostena, edo, hala badagokio, lizitatzailleak arrisku profesionalei aurre egiteko kalte-ordain aseguru bat baduela ziurtatzen duen agiria.
- Enpresaburuak izanez gero, urteko kontuak aurkeztu beharko dira.
- Enpresak azken hiru urteetan egindako lanen gutzizko negozio kopuruari buruzko aitortpena.

4.2. Kaudimen tekniko edo profesionala

Kaudimen tekniko edo profesionala lizitatzaillearen ezagutza teknikoak, eraginkortasuna, esperientzia eta fidagarritasuna kontuan hartuta baloratuko da. Kaudimen hori honela egiaztatuko da:

- ❖ Azken hiru urteetan egindako zerbitzu edo lan nagusien zerrenda, zenbat kostatu diren, noiz egin diren eta zein entitatek kontratatu dituen adierazita.
- ❖ Enpresaburuaren eta zuzendarien eta, bereziki, kontratua burutzeko arduradunen titulu akademikoak eta profesionalak. Azkenek Curriculum Vitae ere aurkeztu beharko dute. Arestiko guztiaz gain, kaudimen tekniko eta profesionalaren gutxieneko baldintza da kontratua burutzeko gutxienez hiru pertsona hura burutzeaz arduratzea:
 - Proiektuaren zuzendari bat, gutxienez 10 urteko esperientzia profesionala duena.
 - Senior aholkulari bat, gutxienez 7 urteko esperientzia profesionala duena.
 - Junior aholkulari bat, gutxienez 3 urteko esperientzia profesionala duena.

5.- ESLEITZEKO PROZEDURA

Lizitazio hau publikitate dun prozedura negoziatuaren arabera egingo da, SPKLTBko 170 eta 174. artikuluei jarraituz.

6.- ESKAINTZAK AURKEZTEA

Eskaintzak Euskadiko EGABen egoitzan aurkeztu beharko dira (Kale Nagusia, 81, 7.a, 48011 Bilbo), 2013ko azaroaren 20ko 14:00 baino lehen. Agiriak azterlanen eta proiektuen arduradun Leire Ozerin Etxeberria andereari igorri beharko zaizkio, eta harengana jo ahalko da edozein zalantza argitzeko ere.

Eskaintzak bi gutun-azal itxietan aurkeztuko dira: 1 eta 2 izenekoetan. Horietako bakoitzean, barruan zer duten (ondoren adieraziko den bezala) eta lizitatzaillearen izena zein den adieraziko da.

1 gutun-azala: Honako hau idatziko da: “Agiri orokorrak”, eta honako agiriak izango ditu:

1.- Lizitatuzailearen nortasunaren egiaztagiria:

- a. Lizitatuzailearen nortasun agiria (notarioak egiaztatutako fotokopia), pertsona fisikoen edo banako enpresaburuen kasuan.
- b. Enpresaburua pertsona juridikoa bada, Merkatu Sozietatearen eratze eskritura, Merkatu Erregistroan behar bezala inskribatua, edo eratze agiriak, estatutuak edo fundatze egintza, dagokion erregistro ofizialean inskribatutako jarduerari buruzko arauak azaltzen dituztenak, eta legezko ordezkariaren nortasun agiria.
- c. Ahalmen eskrituraren kopia, beste norbaiten ordezkari gisa jarduten bada, bai eta haren nortasun agiriaren fotokopia egiaztatua edo notario lekukotza ere. Lizitatuzailea pertsona juridikoa bada, ahalmen horrek Merkatu Erregistroan egon beharko du inskribatua.

2.- Hala badagokio, Jarduera Ekonomikoen gaineko Zergan alta emanda egotea, kontratuaren xedeari dagokion epigrafean, eta lizitazioaren unean ordainduta edukitzea legez exiji daitekeen urtealdi / aldiko ordainagiria. Zerga ordaintzera behartuta ez badago, halako betebeharrak ez duela dioen aitorten erantzulea.

3. Hala badagokio, Jardueraren Alta/Hasieraren Errolda Aitorpena (Zerga Agentzia).

Lizitatuzaileak **Eusko Jaurlaritzaren Kontratisten Erregistroan izena emanda dagoela egiaztatzen duen agiria** aurkezten badu, ez du aurkeztu beharko 1. eta 3. idatz-zatien artean adierazitako nortasunari eta ordezkariari buruzko agiririk, baldin eta ordezkariak aurkeztutako agirietan agertzen den berbera eta kontratuko jarduera berbererako bada.

Eusko Jaurlaritzaren Kontratisten Erregistroko ziurtagiriarekin batera, lizitatuzailearen aitorten erantzule bat aurkeztu beharko da, hor agertzen diren inguruabarrak ez direla aldatu dioena.

4. Estatuko, erkidegoko eta udalerriko zerga betebeharrak eta Gizarte Segurantzaren kuotak ordainduta dauzkala egiaztatzen duen agiria edo aitortpena. **Esleipendun izateko proposatua izanez gero, lizitatuzaileak konpromisoa hartuko du baldintza horiek betetzen dituela egiaztatzen duten agiriak aurkezteko.**

5.- Lizitatuzailearen aitorten erantzulea, adieraziz ez daukala SPKLTBko 60. artikuluan kontratatzeke zerrendatutako galarazpenik ezta indarreko legedian aurreikusitako bestelako galarazpenik.

6.- Kontratatzen fax zenbakia edo helbide elektronikoa, ebazpenen eta kontratazio espedientearekin zerikusia duten ebazpenen eta gainerako egintzen jakinarazpenak jasotzeko.

7.- Kaudimen ekonomiko, finantzario eta teknikoak duela egiaztatzen duten agiriak, agiri honetako 4.1 eta 4.2 puntuetan ezarritakoaren arabera.

2 gutun-azala: “Eskaintza ekonomikoa eta teknikoa” izango du idatzita. Honako agiriak izango ditu:

1) Eskaintza ekonomikoa

Eskaintzak behar bezala sinatuta egon eta data izan beharko du eta 1. eranskin gisa emandako ereduari lotu beharko zaio.

Zenbakietan adierazitako zenbatekoa eta letretan adierazitakoa bat ez badatoz, azken hori nagusituko da.

2) Eskaintza teknikoa

Lizitatuzaileek aurkeztu beharreko eskaintza teknikoa honela osatuko da:

- ❖ Azalpen memoria bat, gutxienez honakoak dauzkana:
 - ✓ Azterlanaren edukien eta erabiliko diren tresna metodologikoen eskema eta proposamena.
 - ✓ Lanak nola egingo diren azaltzeko deskribapen osatu bat, faseak eta horien iraupena adierazita. Oso garrantzitsutzat jotzen da, Euskadiko EGABek lanen jarraipena egin behar baitu, kapituluak amaitu eta emateko egutegia aurreikustea. Memoria horrek eranskin bat ere izango du, non kapitulu bakoitzerako erabiliko diren datuen iturriak, kontsultako materiala eta bibliografia aurreikusiko baita.
 - ✓ Lan plangintza, azterlana egiteko gutxi gorabehera erabiliko den ordu kopuruarekin eta taldekide bakoitzak beteko dituen eginkizunen deskribapenarekin.
 - ✓ Lizitatuzaileak kontratuaren helburua nola bete asmo duen modu egoki eta osatuan azaltzeko beharrezkotzat jotzen duen beste edozein dokumentazio.

7.- ESLEITZEKO IRIZPIDEAK

Kontratu hau emateko edo eman gabe uzteko, irizpide hauek hartuko dira kontuan:

IRIZPIDEAK	BERARIAZKO ALDERDIAK	HAZTAPENA
Eskaintzailea eta giza taldea	Eskaintzailea. Azterlanaren gaia ezagutzea. Kontuan hartuko dira gaiari buruzko lanetan emandako erreferentziak.	% 15
	Giza taldea: prestakuntza, gaikuntza, arduraldia. Ikertzaileak proposatutako zereginetarako egokiak izatea eta haietan jardutea.	% 15
Alderdi teknikoak	Proposamen teorikoaren kalitatea: proiektua burutzeko diseinua	%20
	Proposamen metodologikoa eta jasotako helburuak betetzeko maila	%20
	Lanaren antolamendua: jardueren kronograma, bilerak Euskadiko EGABekin, adituei entzuteko engaiamendu maila, epeak betetzea	%5
Proposamen teknikoaren aurkezpena	Proposamenari balio erantsia ematen dioten elementuak eta hobetzeko iradokizunak.	% 10
Prezioa	Preziorik txikiena. Preziorik txikieneko eskaintzari 15 puntu emango zaizkio, eta puntu bat jaitsiko da prezio txikien horren gaineko ehuneko bi puntuko.	% 15
	Lizitazio tipoaren gaineko %20ko beherapenari beherapen ausartegia iritziko zaio.	
GUZTIRA		%100

Gutxienez % 65eko portzentaje haztatuarekin kalifikatu diren proposamenak hartuko dira kontuan esleipenerako.

8.- KONTRATUA BETETZEKO EPEA

1. kapitulua emateko epea (irteera fasea) hamabost egunekoa izango da, kontratua sinatzen denetik. 2. kapitulua emateko epea hil eta erdikoa izango da, kontratua sinatzen denetik. 3. kapitulua emateko epea kontratua sinatu ondorengo hirugarren hilabetea izango da. Ondoren 4. kapitulua egin eta kontratua sinatzen denetik lau hil eta erdi igarotakoan emango da. Azken txostenean azkeneko agiria sartuko da –aurreko kapitulu guztiak bateratuta eta berrikusita jasoko ditu-, eta hari 5. kapitulua erantsiko zaio. Hura sei hilabeteko epean emango da, kontratua sinatzen denetik, eta alderdi biak ados jarriz gero, luzatu ahalko da, planifikatutako epean ikerketek espero ziren emaitzak eman ez balituzte eta alderdi biek egokia baleritzote luzatzeari.

9.- PREZIOA ORDAINTEKO ERA ETA BERANDUTZEAGATIKO PENALIZAZIOAK

Prezioa modu honetara ordainduko da:

- ❖ Ordainketaren %20 irteera faseari eta lehen faseari (1. eta 2. kapituluak) dagozkien txostenak aurkeztu eta onartutakoan.
- ❖ Ordainketaren %20 bigarren faseari (3. kapitulua) dagokion txostena aurkeztu eta onartutakoan.
- ❖ Ordainketaren %20 hirugarren faseari (4. kapitulua) dagokion txostena aurkeztu eta onartutakoan.
- ❖ Ordainketaren azken %40 aurreko kapitulu guztien azken txosten bateratu eta berrikusia –hari 5. kapitulua erantsita- onartutakoan.

Txosten partzial bakoitzari edo azken txostenari onespina eman aurretik, Euskadiko EGABek oharrak bidali ahalko ditu, eta, zuzenketa edota ñabarduraren bat egin behar izanez gero, horretarako epe bat emango dio enpresa esleipendunari, adierazi den bezalaxe.

Txosten partzialak edota azken txostena aurkezteko epea betetzen ez bada, Euskadiko EGABek beretzat gordetzen du dagokion txostenaren balorazio ekonomikoari atzeratu den egutegiko aste bakoitzeko % 4ko penalizazioa aplikatzeko eskubidea. Penalizazio hori ez da aplikatuko atzerapena ezinbestez gertatu bada.

10.- AZPIKONTRATAZIOA

Kontrakoa xedatu ezean, ezingo da hirugarrenekin hitzartu kontratu honi dagozkion prestazioak osorik edo zati batean egitea.

11.- LANAREN JABETZA INTELEKTUALA ETA DATUEN KONFIDENTZIALTASUNA

Enpresak ezin erabiliko ditu lanean lortzen dituen datuak eta agiriak, eta ezin egingo du inolako erreproduziorik eta ustiapenik baldintza teknikoan agiri honetan ezarritakoa alde batera utzita, non eta Euskadiko EGABek ez duen horretarako baimena idatziz ematen, azterlanaren jabetza intelektual eskusiboa harena denez gero.

Egindako lan guztia, kontratuaren xedea alegia, Euskadiko EGABen jabetzan geldituko da eskusiboki. Hala, edozein aldaketa egin ahalko du hark edukietan, eta egoki irizten dion erabilera eman.

12.- KONTRATUA FORMALIZATZEA

Euskadiko EGABek eta kontratistak kontratu bat formalizatu beharko dute, dokumentu pribatuan, 15 egun balioduneko epean, esleipena argitaratu eta hurrengo egunetik aurrera.

Halaber, esleipendunak administrazio-klausulen eta klausula teknikoen agiria sinatu beharko du, non eta ez dion sinatzeari uko egiten, agirian jadanik adierazi duelako ezagutzen dituela baldintzak eta oso-osorik onartzen dituela.

13.- JURISDIKZIO ESKUDUNA

Agiri honetan aurreikusitakoaren arabera eskaintzaren bat aurkezteak arlo zibileko Bilboko epaitegi eta auzitegien mende egotea dakar berekin, bai eta norberaren beste edozein foruri uko egitea ere, kontratutik zuzenean edo zeharka sor litezkeen gorabehera guztietarako.